

S **LO**
Afl. 1.25

BRIYANDO FUERTE • TRECIENDO CLARIDAD
DIAHUEBS 10 APRIL 2025

Di Pueblo

**MEASLES
(SARAMPI), UN
MENASA CRECIENDO**



WWW.SOLODIPUEBLO.COM



SOLODIPUEBLO@GMAIL.COM

Guerra comercial ta den su climax
**CHINA A SUBI TARIFA PA
84% PA MERCA, TRUMP
A CONTESTA CU 125%!**



Na e mesun cas unda e difunto Corniel Tejada a wordo mata
**MAMA CU YIU CU TABATA BENDE DROGA DEN
DAKOTA CONDENA NA 4 AÑA DI PRISON**

Tension den seno di gobernacion:

**MIKE DE MESA TA FADA
PA E TARDANSA DEN SU
NOMBRACION
COMO MINISTRO**



**BENNY DI AVP A UZA 1.6
MIYON CASH**

455 mil cash inverti pa upgrade su
propio cas mas 40 mil cash pa paga
Parlamentario Stephany su apartamento
luhoso na Miami




SALIDA DI WEGA DI INSTACASH “GOLD MINE”

Diahuebs 10 di april, Lotto, e loteria di Aruba, ta informa cu e wega di Gold Mine di Instacash lo sali for di mercado diabierna 11 di april.

Desde dia 11 di april e wega di Gold Mine di Instacash lo sali for di mercado y no lo ta disponibel mas pa wordo cumpra, si bo tin ticket di Gold Mine cu no a wordo cobra ainda lo por hasi esaki na cualkier rebendedo di Lotto rond di nos isla.

Instacash ta dunabo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, Hot Numbers, e famia di Instant Jackpot, Tic Tac Cash, Shooting Star, Buckets of Cash, Strike, Stack-O-Cash y High Voltage Cash cu ta dunabo e chens pa gana placa al instante!

Lotto, E Loteria di Aruba tin diferente wega, Catochi,



Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Partido MEP:

Parlamentario Evelyn Wever-Croes; MASHA PABIEN NA MR. DARCY JANE JANSEN CU SU INSTALACION COMO VICE PRESIDENTE DI CORTE COMUN DI HUSTICIA

“Mi ta sumamente orguyoso como Arubiano di mira Mr. Jane Jansen, como hende muhe ocupa e funcion importante aki”



ORANJESTAD – Diabierna ultimo durante un sesion di corte special Mr. Darcy Jane Jansen a wordo instala como Vice Presidente di Corte Comun di Husticia, di Aruba, Corsou, Sint Maarten y islanan BES. Cu e instalacion di Mr. Jansen, tanto e presidente Mr. Maurits de Kort y e Vice Presidente awor ta

Arubiano.

Durante e sesion importante aki, tanto e Presidente y e Vice Presidente di Corte a indica cu Corte Comun di Husticia mester di expansion di capacidad y di fondo, mirando cu e trabounan ta expandiendo. Tambe nan a enfoca hopi riba bienestar di e trahadonan.

“Mi ta comparti e preocupacionnan aki. Pa loke ta ampliacion di personal y presupuesto, mi ta di opinion cu e anja aki, mirando e surplus grandi cu nos a laga atras, mester aloca mas fondo pa Corte por eherse su trabou. Esey ta e motibo tambe cu pami ta incomprendible con e gobierno por a corta hustamente den husticia. E bienestar di nos miembronan di Corte mester haya prioridad, especialmente mirando expresionnan negativo contra huesnan cu semper den caso cu ta trata politiconan”, lider di fraccion di MEP a expresa.



Procurador General Interino, durante di su disertacion, tambe a expresa su preocupacion pa cu e falta di fondo y personal pa ministerio publico. Tambe el a enfatisa cu Ministerio Publico (OM) no ta haci politica cu ningun caso pero simplemente ta aplica ley.

“Mi ta sumamente orguyoso como Arubiano di mira Mr. Jane Jansen, como hende muhe ocupa e funcion importante aki. Y mi ta desea Mr. Jansen, e dos huesnan nobo cu a instala y henter corte hopi exito” Parlamentario Evelyn Wever-Croes a expresa.

Guerra comercial ta den su climax

CHINA A SUBI TARIFA PA 84% PA MERCA, TRUMP A CONTESTA CU 125%!

-- E tensionnan comercial entre China i Merca a yega na un nivel sin precedente ayera, ora cu ambos pais a anuncia aumento drastico di tarifanan di importacion. China a impone tarifanan di 84% riba tur producto for di merca, mientras cu Donald Trump a contesta cu un aumento ainda mas grandi di 125% pa tur producto chinos.

China a tuma e decision di castiga principalmente productonan agricola mericano manera soybean i carni di porco, avion Boeing, auto di luho di Ford i Tesla, i equipo pa

fabrica semiconductor. Autoridadnan chinos a bisa cu e medida ta un contesta necesario na e "agresion economico" di Merca.

Den un conferencia di prensa emocionante, Presidente Trump a declara cu Merca lo no keda atras i a anuncia su propio tarifanan extremo di 125% riba metal i aluminio chinos, telefononan iPhone, laptop, television, bateria pa auto electrico i panel solar. "China a abusa di nos economia pa demasiado tempo," Trump a bisa. "Awor nan tin cu paga."

E efecto riba e mercadonan

internacional a cera inmediato. E bolsa di valor di New York a cay mas cu 600 punto, mientras cu compañianan tecnologico manera Apple i Tesla a anuncia cu nan lo tin cu aumenta nan prijs. Bolsanan europeo i asiatico tambe a sinti e impacto, cu tur cerrando den negativo.

Pa Aruba, e noticia ta preocupante. Analistanan ta avisa cu e pronostico di producto importa manera electrodomestico, material di construccion i articulonan tecnologico por subi significativamente den e proximonan siman.

E sector di turismo,



vital pa nos economia, por enfrenta desafio si e tarifanan aki resulta den aumento di prijs di biahe aereo.

Organisacionnan comercial internacional ta busca mediacion, pero cu ambos pais firme den nan posicion, solucion ta parece leu.

E pregunta awor ta: Ki lo sigui? Cu China i Merca parece cu no tin intencion di baha presion, e guerra comercial aki por tin consecucionan grave pa economianan chikito manera nos isla. SOLO DI PUEBLO lo sigui e desaroyo di cerca.

Tension den seno di gobernacion:

MIKE DE MESA TA FADA PA E TARDANSA DEN SU NOMBRACION COMO MINISTRO

San Nicolas, 9 di april 2025 — Situacion den gobierno di Aruba ta bira tenso debi na e tardansa pa nombra Mike de Mesa como minister.

Diamars anochi, de Mesa a convoca un reunion di urgencia na su cas na San Nicolas, unda a presente varios di su campañadornan. Durante e encuentro, e frustracion tabata cla, i red sosial a bira e luga unda manda e "cayonnan" di menasa, expresando rabia.

De Mesa, visiblemente cansa i molestia, a expresa cu a cumpli cu tur exigencia pa por asumi e cargo di minister, pero apesar di esey, no a obtene aun ningun contesta pa tuma su lugar den e gobernacion. "Mi ta hopi fada di e situacion. Mi tin prinsipio, i lo keda observando tur cos cu ta pasando".

Stephanie Sievinger, yiu di Benny, a musta su apoyo na de Mesa. O sea Stephanie tambe ta rabia cu AVP, pasobra el'a wordo pusha den parlamento

lagando Rancho sin minister.

Di otro banda, Astrid, un otro politico di AVP, y e vocero di Mike a indica cu ta necesario pa Geoffrey Wever, cu ta hefe di Balasting, tuma accion i kita hefenan di basting di trabao cu ta strobando de Mesa.

Mike Eman cu ta formador, te awe no por contesta kico te status di de Mesa.

Y cu problema di belasting via screening a lek pa



24Ora, esey De Mesa mester check cu Gerlien of Mike, nan ta e unico dosnan cu tabata na altura. Diripiente Patrick Paskel a haye pa cuminza manda bazooka riba de Mesa. Speed a wordo manda te

Colony pa bay convence de Mesa cu e lo no bira Minister.

De Mesa y su campañadornan ta parce hopi inocente pa nan no wak e mal hugada.



NoticiadiCorte

Na e mesun cas unda e difunto Corniel Tejada a wordo mata MAMA CU YIU CU TABATA BENDE DROGA DEN DAKOTA CONDENA NA 4 AÑA DI PRISON

ORANJESTAD – Corte di Husticia a trata e caso penal cu Ministerio Publico a cuminsa contra e damanan R.T.R. (59) y su yiu muher D.H.P. (40). Ambos ta wordo acusa di bendemento di droga.

SOLO DI PUEBLO por a compronde cu na e mesun cas caminda dia 3 Juli 2024, e homber Zuleta Rave a mata e definto Corniel Tejada, Polis a haci investigacion y a haya droga. R.T.R. y su yiu D.H.P., a wordo deteni.

E acusacion cu Fiscal a presenta contra R.T.R. ta cu durante 3 aña e tabata bende droga. Contra D.H.P., Fiscal a bisa cu durante 10 aña e tabata bende.

BENDE DROGA NA CAS

Hues a puntra R.T.R. si ta berdad cu durante 3 aña Maart 2021 y 2024, e tabata bende na su cas den Pindastraat. R.T.R. a desmenti esey. El a bisa Hues cu e ta viuda di e homber Corniel Tejada cu riba 3 Juli 2024 a wordo mata door di Gregory Junior Zuleta Rave. Hues a mostra na 2020, R.T.R. a wordo condena na 2 aña y 6 luna di prison pa bendemento di droga. Hues a remarca cu ta parce cu R.T.R. a sigui bende.

Hues a mostra cu testigonan a bisa Polis cu regularmente nan ta cumpra droga for di R.T.R. su cas. Nan a reconoce potret di R.T.R. Ta asina cu R.T.R. ta keda desmenti. Hues a remarca con por ta cu tur e testigonan ta menciona R.T.R. su nomber. El a bisa Hues cu e no ta bende droga.

Ora Hues a sigui cu D.H.P., el a desmenti tambe. El a bisa Hues cu 15 aña pasa el a bay for di e cas y no ta bende. Hues a mostra cu tin testigonan cu ta papia di ta cumpra for di D.H.P. na e cas den Pindastraat. Nan a reconoce D.H.P. riba potret cu Polis a mostra. D.H.P. a para riba cu

e no ta biba serca su mama y no ta bende droga. El a bisa cu e ta inscribi serca su mama, pero ta biba den Maracastraat y cu su pareha ta traha. El a bisa cu e sa bay bishita su mama.

Hues a mostra cu tin raport di Reclasing cu ta mostra cu ambos sospechoso lo mester haya guia pa evita cu nan lo bolbe haci'e.

FISCAL A BAHIA PISA

Fiscal a bisa Hues cu tin 7 testigo cu a bisa cu nan tabata cumpra marihuana y cocaína na e cas na Pindastraat for di tur dos. Fiscal a splica Hues cu despues cu informacion drenta na departamento di asuntonan criminal tocante bendemento di droga na e cas, a cuminsa cu investigacion y a mira movecionnan. A detene nan dos. D.H.P. a wordo deteni na e cas ora di e investigacion. Fiscal a mostra cu tin prueba cu D.H.P. tabata bende pa 10 aña. Pa R.T.R. e periodo ta mas cortico. Fiscal a tuma R.T.R. na malo cu apesar di tabata sera pa bende, a bolbe haci mesun cos mientras cu su yiu sa cu su mama tabata bende. Fiscal a remarca cu a haya droga den e cas y placa, pero tog nan ta nenga di tabata bende droga. Fiscal a exigi pa R.T.R. 4 aña y pa D.P. 5 aña. El a bisa cu e 2 cellulanan cu a keda confisca por wordo debilbe. E droga lo mester wordo destrui. E placanan lo keda confisca.

ABOGADO

Mr. D.Croes a bisa Hues cu tin declaracionnan di testigonan cu ta mostra cu D.J.H-P. no tabata bende tur tempo den Dakota. E tabata entre 2018 y 2021 biba na Pos Chiquito y despues a bay biba den Maracastraat den Dakota. E abogado a mostra cu Polis no a haya balansa of saconan di plastic chikito cu ta wordo usa pa bendemento

di droga. E abogado a remarca cu Polis ta usa usadornan di droga, kendenan ta duna e declaracion cu Polis kier, pa nan no bay sera. El a remarca tambe cu e potret cu Polis a usa, bo no ta reconoce R.T.R. E abogado ta haya cu no por prueba cu e duo tabata bende. El a pidi Hues pa declara nan liber. El a sigui bisa cu si Hues ta haya cu nan tabata bende, esey tabata pa un periodo cortico y no manera Fiscal ta acusa nan. E ta haya cu e castigo exigi pa Fiscal ta exagera. E abogado a bisa Hues cu e ta kere cu un castigo combina lo yuda mas mihor pa mantene nan for di bendemento di droga y bou guia di Reclasing.

CASTIGO DI 4 AÑA DI PRISON

Hues a cera tratamento di e caso y a dicta sentencia. Hues a bisa cu e ta haya cu ambos sospechoso ta culpabel. Hues ta haya cu tin suficiente prueba legal, caminda testigonan a declara di a cumpra droga na Pindastraat. El a bisa cu e hecho cu D.H.P. tabata biba otro caminda, no ta haci cu e no por bende droga na e cas den Pindastraat.

Hues a basa su mes riba sentencia di Hof pa casonan similar. Hues a bisa cu Hof ta duna castigo mas abao, mirando cu no ta bendemento di droga den gran escala. Hues ta haya cu ambos mester haya e mesun castigo. Hues a condena nan na 4 aña di prison di cual 1 aña ta condicional cu un tempo di prueba di 3 aña. Durante e tempo di prueba, nan lo cay bou guia di Reclasing. Hues a bisa cu e cellulanan lo wordo debilbe, e placanan y tasnan lo keda confisca. E droga lo wordo destrui.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Parlamentario Endy Croes:

BENNY DI AVP A UZA 1.6 MIYON CASH

455 mil cash inverti pa upgrade su propio cas mas 40 mil cash pa paga Parlamentario Stephany su apartamento luhoso na Miami



Parlamentario Endy Croes a tuma nota di un sentencia di hues data 3 di April 2025 esta siman pasa. Esaki ta trata di un otro caso cu Ministerio Publico a cuminsa contra Benny Sevinger ex minister di AVP cual caso a deriva for di e caso Avestrus.

Historia di casonan di Benny Sevinger di AVP

Dia 14 di April 2023 Benny Sevinger a ricibi su promer sentencia den caso Avestrus den eerste aanleg unda hues a condene cu castigo di prison pa passieve omkoping (soborno) y verduistering (malversion). Benny a dicidi di bay Hoger Beroep unda tres (3) hues lo a trata su caso di nobo. Dia 12 di Juli 2024 un total di tres (3) hues den Hoger Beroep a bolbe condena Benny Sevinger cu castigo di prison pero e biaha aki mucho mas pisa esta pa estafa, soborno, malversion y mal uzo di poder. Contra e decision aki awor Benny Sevinger a bay Cassatie unda den luna di mei proximo cinco (5) hues na Hulanda lo duna

nan veredicto. Contra decision di Cassatie no tin mas caminda pa cana y mester bay cumpli cu e sentencia ey asina cu e bira conoci. Sentencia aki ta programa pa bira conoci final di mei 2025.

Ministerio Publico a cuminsa un otro caso pa obliga Benny paga bek

Despues di e promer sentencia contra Benny di AVP (14 April 2023), dia 30 di April 2023 Ministerio Publico a entama un otro caso contra Benny pa asina obliga Benny paga y debolbe Pais Aruba un suma di Afl. 914.651,72 florin como placa cu el a ricibi na un forma ilegal y a enrikece su mes cune (Ontnemingszaak). Den e sentencia di 3 di April 2025 riba e caso aki cual ta separa di e otro casonan cual awor ta den Cassatie, hues den promer instancia a dicta un sentencia obligando Benny Sevinger pa paga Pais Aruba bek Afl.840.051,91 cual ta e suma cu corte por a prueba cu Benny a ricibi na un forma ilegal.

Benny a inverti 445 mil cash den su cas y a paga 40 mil pa e yiu

Den e sentecia di 3 di April 2025 por a lesa sumanan extravagante cu Benny Sevinger a paga cash cual e no por a splica di unda e placanan aki a bin. Asina e ontnemingsrapportage a ilustra cu Benny a paga un suma total na placa cash di Afl.445 mil florin pa renoba y haci su cas extra luhoso. Tambe por a tuma nota cu Benny Sevinger a paga Afl.40 mil florin cash pa huur di un apartament luhoso na Brickell Miami pa e yiu cu awe ta Parlamentario. Asina por a

mira tambe den e rapport un otro suma di Afl. 74 mil cash paga na ticketnan pa e famia biaha. Ningun tabata tin splicacion husto di unda un ex minister di AVP por tabata tin acceso na tanto placa cash asina. Hues a dicta cu Benny mester debolbe pais Aruba Afl.840.051,91 di placa ilegal cu el a ricibi. Si e no cumpli cu esaki e lo haya 900 dia di prison adicional (acerca) pa e caso aki.

Pues pa ilustra cu e strafzaak den Cassatie actualmente ta completamente los di esun aki. Contra e caso



aki Benny awor lo bay den Hoger Beroep. Tristo pa un hende por vota awendia ainda pa AVP como cu Mike Eman, Dowers, De Meza tur ta brasando Benny te cu dia di awe y asina AVP ta demonstra keto bay di ta brasando corpucion.

De AFTA zoekt nieuwe collega's

De Aruba Fair Trade Authority groeit en is op zoek naar een nieuwe onderzoeker.

Vacature:

- (Senior) Onderzoeker


Vereist

- Een WO opleiding in een economische of juridische richting

Contact

- info@afta.aw
- +297 280 0480

Wilt u als onderzoeker bij de AFTA aan de slag en voldoet u aan de gestelde eisen? Stuur dan uw motivatiebrief en bijbehorende curriculum vitae gericht aan dhr. E. Kross, MSc., info@afta.aw



Voor meer informatie over de functie kunt u onze website bezoeken:
<https://www.afta.aw/vacatures-2/>



Parlamentario Shailiny Tromp-Lee:

GABINETE CROES-EMAN TA RECONOCE CU E DECISION DI MEP PA AHUSTA E PORCENTAHE RIBA IMPUESTO DI ENTRADA TA NA BEBEFICIO DI NOS HENDENAN

Aunke hopi laat mi tabata contento cu nos a continua cu tratamiento di presupuesto di pais Aruba pa aña 2025 y cu esaki finalmente a keda aproba. Cu e aprobacion aki Parlamento a empodera gobierno pa por cumpli cu e.o., nos obligacionnan financiero, sigui haci inversionnan necesario y sigui brinda na pueblo e servicio y sosten necesario. E presupuesto di pais Aruba a keda aproba unanimamente cual ta algo unico pa nos pais mirando cu ta trata un presupuesto traha y presenta pa MEP.

Pueblo mester sa cu e espacio financiero, e surplus crea, no ta danki solamente na trabou di ministernan, tambe e tabata trabou grandi di nos profesionalnan y trabou duro na e recuperacion di nos pais di sector publico y priva. Trabounan cu a keda lidera pa nos Minister President Evelyn Wever-Croes.

Cua ta e cambionan cu a beneficia abo como ciudadano?

Ta bon pa remarca cu Parlamento a ricibi 3 nota di cambio. Kico ta nota di cambio? Esaki ta un cambio cu Gobierno ta haci den su presupuesto. Nos a ricibi un dia 11 di februari, un dia 6 di maart y e ultimo dia 28 di maart ora e tratamiento a start. Den e comunicado aki mi kier trata esun ricibi dia

11 di februari. Den e Nota di Cambio aki Gobierno a informa parlamento di e cambionan cu a surgi desde cu e presupuesto a keda presenta inicialmente dia 29 di augustus 2024 y e ahustacionnan haci abase di esakinan. Algun cos cu a bini dilanti ta ahustacion di e cifra di crecimiento economico mas reciente di Departamento Economico y tambe e impacto di e rebaho di porcentahe riba impuesto di entrada cu a tuma lugar na inicio di 2025. Un rebaho cu a beneficia pueblo grandemente ta: un persona cu ta gana 5400 pa luna of menos no ta paga belasting mas. Esaki ta traduci su mes na un total di 12 mil hogar cual ta 16 mil persona cu no mester paga loon of inkomstenbelasting mas. Diesdos (12) mil persona lo paga 3493 florin menos pa aña na inkomstenbelasting y por ultimo di 19 mil pensionado, 17 mil no ta pagando belasting mas.

Minister President actual no ta contento cu abo ta cobra mas

Mi a indica cu dia 7 di maart nos a scucha nos Prome Minister actual, e dia ey Lider di Fraccion di AVP, papia over pobresa, trece perspectiva bek, mehora poder di compra y toch, mescos cu mi, pueblo a keda preocupa cu persona no tabata nada contento cu e decision di Gabinete Wever-Croes. Esaki no



obstante e realidad cu e decision di rebaho di impuesto a brinda alivio y of adelanto na asina tanto famia y persona na Aruba.

Mike kier a stop e decision y pone bo bay paga belasting bek!

Mi a haya necesario pa indica cu mi ta haya interesante pa sa kico minister Mike Eman ta pensa y si enberdad ainda ta core e pensamiento pa trek e decision aki terug. Mi mester informa cu den Parlamento a keda bisa pa Gabinete Croes-Eman cu e decision aki no lo bay keda ingetrokken. Pa mi esey ta e informacion mas importante. Cu e otro lider di e Gabinete a sali pa bruha tera over e base legal di e decision, mi ta kere cu mi colega di fraccion Xiomara Maduro a conteste cla y raspa y a bise bon cla pa stop di haci spetakel pornada. Enberdad e mester traha

riba su madures politico y siña reconoce ora otronan ta traha na bienestar di pueblo. Realidad ta cu pa ley Minister di Finanzas ta autorisa pa a tuma e decision cu a beneficia nos hendenan grandemente.

Como pueblo bo tin derecho pa exige Gabinete nobo pa inverti den bo, placa tey.

Presupuesto 2025 sigur ta muestra di trabounan financiero serio y responsabel cu a crea e espacio financiero necesario pa

por duna bek na pueblo. Lastimamente gobierno a cay na september aña pasa. Pero un cos pueblo mester ta consciente di dje: TA DANKI na e espacio financiero crea pa Gabinete Wever-Croes, awe Gobierno Croes-Eman lo tin placa pa inverti y maneha e pais aki. Contrario na con nan a laga e caha atras na 2017. Pueblo por conclui cu MEP NO A GOBERNA PA E SIGUIENTE ELECCION, MEP A GOBERNA PA E SIGUIENTE GENERACION!





SOLODIPUEBLO@GMAIL.COM
CEL. 585 9500



Parlamentario Evelyn Wever-Croes :

SECRETARIO DI ESTADO ZSOLT SZABÓ A GRADICI EVELYN WEVER-CROES PA SU COOPERACION, PROFESIONALISMO Y PA SEMPER A REPRESENTA REINO DIGNAMENTE



ORANJESTAD – Diamars ultimo Parlamentario pa fraccion di MEP Evelyn Wever-Croes a reuni cu Secretario di Estado Zsolt Szabó den Parlamento di Aruba, hunto cu presidente di parlamento y demas lidernan di fraccion den parlamento.

Durante e reunion señor Szabó a indica cu su prioridad pa cu e islanan ta pa tin bon gobernacion, finanzas solido, y cu e paisnan ta para riba nan propio pia. Tambe el a menciona e tema di e rijkswet y e landspakket cu ta temanan cu Gabinete Wever-Croes a trata hopi aña cu Hulanda. Tambe el a indica cu e debe di covid mester wordo paga bek, y cu no lo transforma e debe aki den un subsidio of fondo di inversion.

Hulanda ta dispuesto pa yuda si, pero atraves di e landspakket manera semper nan a indica.

Parlamentario Wever-Croes a indica cu esaki sigur ta importante pa comunidad, mirando cu e partidonan cu awor ta den gobierno a haci promesanan cu awe no por cumpli cu nan. Un fondo di inversion por bin cune ki ora cu ta, Gabinete Wever-Croes a laga tur cos cla pa esey. Pero Hulanda na e momento aki lo no contribui den e fondo ey.


Tambe Parlamentario Wever-Croes tabata tin un encuentro separa cu señor Szabó mirando cu nan no tabata tin e oportunidad di a oficialmente despedi y gradici otro pa tur e añanan di cooperacion. E

añanan cu Evelyn Wever-Croes a traha hunto cu e ministerio di BZK, no tabata facil pero a logra si na yega na cosnan grandi pa pais Aruba.

“Di nan banda tambe nan a gradicimi pa tur e cooperacion, e profesionalismo, pa tur loke mi a significa pa Reino, pero tambe den relacionnan internacional representando Reino den otro paisnan. E tabata un bon encuentro, y mi ta deseá hopi éxito den e tempo nos dilanti. Pa loke ta mi persona, mi ta hopi orguyoso pa tur e trabou haci durante e ultimo añanan y tur loke nos a logra apesar di temponan hopi difícil” Parlamentario Wever-Croes a expresa.

Un problema serio bou di nos hobennan

CONTROL CONTRA BENDEMENTO DI VAPE NA HOBEN BAO DI 21 AÑA



MACUARIMA, ARUBA:

Bao iniciativa di Polis di Bario Santa Cruz conhuntamente Polis di departamento di Permiso (SBV) y Polis Uniforma a cuminsa cu un proyecto pa cu control y concientisacion pa cu benta di vape. Mirando e situacion y problema pa cu salud bao di nos hobennan a inicia e proyecto aki.

E meta principal ta pa concientisa e comerciantenan pa loke ta trata e benta di e producto Vape. Pa ley ta prohibi pa bende un hoben bao di 21 aña Vape. Tambe prohibi pa un hoben bao di 21 aña huma Vape

Como parti di prevencion tanto pa salud y

concientisacion pa hobennan di e problema aki, departamento di Salud Publico (DVG) como tambe Fundacion Anti Droga Aruba (FADA) tambe a wordo invita pa forma parti di e accion di control aki.

Durante fin di siman a haci un control di e tema aki na algun comerciante den distrito di Santa Cruz. Polis conhuntamente cu DVG y FADA a bay diferente establecimiento y controla, informa y concientisa e comerciante kico ta e consecuencia pa bende hoben bao di 21 aña Vape.

Cada departamento a tuma e oportunidad pa splica y avisa e comerciante loke ta e parti di boet como tambe a infatista e pakico no ta permiti bende na menor como tambe hoben bao di 21 aña di edad y cu hobennan aki tampoco no por usa Vape. E ley aki ta existi caba bao di e Ley di Tabaco (Landsverordening B e p e r k i n g Tabaksproducten).

A tuma nota cu Vape ta un tren nobo bao di e hobennan. Durante charlanan duna na diferente scolnan por a ripara cu e tematica aki ta keda bin dilanti y na unda ta encontra hobennan cu e

Vape den nan poder.

KPA, DVG y FADA ta haci nan esfuerso riba e area di prevencion pa concientisa e hobennan durante charlanan na scol kico ta e consecuencia cu Vape tin pa nan salud. Nos ta pidi mayornan pa ta atento cu boso yiunan riba e tema aki y e peliger cu Vape por causa riba nan salud tanto pa corto pero a largo plazo.

Esaki ta djis e comienso KPA cu lo bay sigi cu e controlnan aki tambe na diferente localidadnan y areanan. Corda VAPE ta prohibi pa hobennan bao di 21 aña!


MEASLES (SARAMPI), UN MENASA CRECIENDO

ARUBA- 09.04.2025. Departamento di Salud Publico di Aruba ta monitor di serca e desaroyo tumando lugha na Europa y Merca relaciona cu casonan di transmision di e virus di Measles.

Measles of manera nos ta yame “Sarampi” ta un di e malesa nan mas contagioso cu ta existi y ta wordo causa pa e virus di sarampi. E virus aki ta transmiti su mes hopi facil via aire na momento cu e persona infecta ta tosa of nister. E malesa por ocasiona complicacion severo y asta morto. Prome cu introduccion di e vacuna contra Measles na mundo den aña 1963 tur aña un cantidad grandi di mucha particularmente bou di 5 aña tawata fayece a consecuencia di e malesa aki. Desde introduccion di

e vacuna contra Measles e casonan di Measles mundialmente a baha y na Aruba desde su introduccion na aña 1979 nos no a mira e malesa aki mas desde decadanan 80. Esaki ta danki na e grado di vacunacion halto (95%) bou di nos muchanan entre edad di 0 cu 10 aña.

Pero ta recientemente cu World Health Organisation (WHO) a bati alarma atrobe pa aumento den casonan di Measles tumando lugar den diferente pais di Europa y USA (enparticularmente Texas) bou tanto mucha como tambe adulto. Organisacionan di salud ta di opinion cu e brote di Measles ta tumando lugar debi na reduccion den grado di vacunacion particularmente despues di e Pandemia di COVID.



Mas hopi persona disidi cu nan no ta vacuna nan yiu contra Measles, mas e inmunidad di e pais ta baha ocasionando cu e posibilidad ta bira mas grandi pa e virus transmiti su mes atravez di esnan cu no ta vacuna pero tambe esnan mas vulnerabel.

Mescos cu e virus di COVID tawata imposibel pa nos a evita e virus di drenta Aruba, ta importante pa

internamente nos pais ta bon prepara pa maneha transmision di e virus aki ora esaki drenta y alavez ofrece proteccion na e grupo di ciudadanonan mas na riesgo di bira hopi malo of hasta fayece si nan bin den contacto cu e virus. Den e siguiente simannan DVG lo bay ta informa comunidad riba e maneho pa cu transmision di measles.

Bo salud ta bo

responsabilidad, tuma accion pa cuid’e y proteh’e

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

MINISTER GEOFFREY WEVER MONITOREANDO E DESAROYO POLITICO NA MERCA DI CERCA

Diabierna ultimo, Minister di Finanza, Asunto Economico y Sector Primario a reuni cu Director di Departamento di Asunton Economico, sra. Maria Dijkhoff-Pita y Presidente di Banco Central di Aruba, sra. Jane Semeleer, tocante e desaroyonan politico na Merca. A discuti diferente topico pero especialmente e tarifanan di importacion cu Presidente Trump a anuncia pa diferente paisnan rond di mundo.

“Ta importante pa nos

instancianan y Gobierno ta bon informa y bon prepara pa consecuncianan negativo cu e medidanan di Presidente Trump lo por tin pa nos economia”, segun Minister Geoffrey Wever, kende a puntra ambos instancia pa duna nan opinion tocante e posibel consecuncianan. Alabes, tambe a pidi ambos instancia pa asisti Gobierno den prepara un plan di accion pa mitiga e impactonan.

Na e momento aki ta premira cu prijs di

producto Mericano lo tin un subida den e temporada binidero. Mirando cu Aruba ta importa hopi producto di Merca ta imporante pa sigui explora otro mercadonan regional manera Colombia, Republica Dominicana, Suriname etc. Mester encurasha y sostene nos importadornan local pa por logra esaki. Ta importante pa sigui vigila e efectonan di e decisionnan di Presidente Trump riba e entrada di e poblacion Mericano, ya cu esaki tin un vinculo directo cu



turismo.

Minister Wever a continua ta bisa: “E situacion ta cambia dia pa dia, manera nos expertonan tin un indicacion mas concreto di e posibel consecuncianan y solucionnan, mi

lo presenta esaki na comunidad debidamente”.

Minister Wever ta gradici Sra. Dijkhoff y Sra. Semeleer y ta asegura cu manera tin mas claridad lo informa esaki debidamente na nos comunidad.

CHAUFFEUR A BRAKE PA PEATON PERO E AUTO SU TRAS NO A BRAKE Y A BAY DAL TRAS DI E AUTO DILANTI

Diamars mainta a drenta informe di un accidente pariba di e rotonde Tarabana na Caya G.F. "Betico" Croes, mesora a dirigi un patruya na e sitio. Na yegada di e patruya a bin compronde cu un chauffeur yegando

e rotonde for di Cumana a bay para pa un peaton crusa e caminda pero e chauffeur su tras no a ripara esaki y a bay dal tras di e auto cu a para pa e peaton. Afortunadamente ningun hende a resulta herida.





CHAUFFEUR DI TRUCK DI SERLIMAR MESTER A REVERSE PA EVITA DAL CU UN BOBCAT PARA DEN CAMINDA PERO A BAY DAL OTRO AUTO



Diamars madruga a drenta informe di un accidente den Tunastraat, mesora a dirigi un patruya na e sitio.

Na yegada di e patruya a nota bobcat para den

caminda y e chauffeur di e truck mester a maniobra den reverse pa no dal Bobcat para riba caminda a bay dal auto para riba acera. Afortunadamente ningun hende a resulta herida.



E CONEXION ENTRE NATURALES Y BO SALUD DEN PODCAST DI DNM: “Cadushi ta Zona cu Dyrick”

Oranjestad, Aruba – Despues di un exitoso lansamento di e podcast “Cadushi ta zona cu Dyrick” presenta pa Directie Natuur & Milieu (DNM) awe e di dos episodio ta disponibel riba rednan social, youtube y plataforma di podcast desde 7or di anochi.

Despues cu a papia di e importancia di nos naturalesa den e prome episodio, e di dos episodio ta enfocariba e importancia cu naturalesa tin pa salud di hende.

Den episodio dos Dyrick a hiba un combersacion cu Sra. Jurette Croes – relacionista publico di Directie Volksgezondheid (DVG) y cu Sra. Natasha Silva Chief Conservation Officer di Aruba Conservation Foundation (ACF). Join Dyrick awe pa 7:00 pm pa e di dos episodio, esaki ta obtenibel pa publico riba rednan social, youtube plus plataforma di podcast y asina haya



sa pakiko naturalesa ta importante pa bo salud. Con naturalesa ta aporta na bo bienestar, con naturalesa ta aporta na cuidu medico y hopi mas. Sigur un episodio sumamente interesante. awe ta publica esaki pero bo persona por bay wak y scucha episodio 2 na e momento cu ta combini abo.

E serie, “Cadushi ta zona cu Dyrick”, ta wordo presenta pa e hoben Dyrick Wouters cu ta curioso y pasiona cu Aruba su naturalesa y herencia cultural.

Pues nos ta invita grandi y chikito pa embarcariba un biahe hunto cu Dyrick, explorando Aruba su biodiversidad, tradicion, esfuersonan di conservacion y retonan ambiental.



Paga bo cuenta online ta facil

Sea
Abonnement
of Aviso



**Pa hasi pago online pone nomber y adres na
cuenta di banco RBC Sunmax Printing
account # 7700000100152447**

Den un carta pa Minister di Economia

FRACCION DI PPA TA CUESTIONA E EFECTONAN DI E GUERA DI TARIFA RIBA COSTO DI BIDA Y TA PUNTRA KI DIA TA HABRI MERCADONAN DEN REGION PA IMPORTACION DI CARNI GALIÑA Y OTRO COMESTIBELNAN

Mester actua awor prome cu e Tsunami cay riba nos

Dos siman pasa durante tratamiento di presupuesto, Fraccion di PPA ya caba a muestra su preocupacion pa cu e desaroyo economico global cu tin na e momentonan aki. Parlamentario Otmar Oduber a indica cu CEO di Caricom a declara recientemente cu esaki lo bay tin consecucionan hopi grandi pa e region Caribense. Siman pasa Presidente di Comerciantenan Uni a declara cu tur producto, cu excepcion di comestibles, ta wordo premia cu lo subi entre 5 cu 15% na Aruba. Tambe expertonan local a muestra riba e consecucionan cu por tin pa Pais Aruba. Teniendo na cuenta esaki, Fraccion di PPA a haya necesario pa manda un di dos carta pa Minister di Economia y otro ministernan pa puntraco ta loke Aruba ta haciendo na e momentonan aki pa prepara mirando cu tur experto, local y internacional, ta expresando nan preocupacion. Mas ainda si tene na cuenta cu 95% di nos productonan ta wordo importa for di Merca of

di China cu ta pasa via Merca. Oduber ta compronde cu e gobierno a caba di subi, pero na mes momento e ta expresa cu for di añanan atras caba tur hende sa cu e sistema di BBO ta funesto pa nos comunidad y atrobe nos ta haya nos mes confronta cu un crisis mundial caminda cu prijsnan ta bay subi cu porcentahenan haltisimo for di diferente mercado cu Aruba ta importa for di nan. Riba dje nos hendenan tin cu bay paga un BBO acumulativo. Teniendo na cuenta esaki, Fraccion di PPA kier acentua un biaha mas e meta cu nan a pone pa implementacion di un BTW. Otmar Oduber a forma partido dos gobierno y nan tur dos, AVP y MEP, a papia di bay den e direccion aki. El a retira for di AVP ora a mira cu esaki no lo pasa y partido MEP a bisa cu nan a laga tur cos cla, pero cierto momento no a implemente pasobra partido Raiz tabata contra. Si mira ken ta minister di Economia na e momentonan aki (mesun minister di Raiz), conclusion cu lider di fraccion oranje por tuma ta cu e no lo wordo implementa e biaha aki tampoco. Mirando e situacion aki, unda cu tin 4 pa 5 shakkel di BBO y e aumentonan grandi riba productonan, lo por mira un aumento drastico, no di 5 pa 15% manera, entre otro Sr. Ponson, a pronostica. Lo bay mira un desaster cu un inflacion haltisimo. Oduber ta indica cu na

Merca ta premia no solamente un recesion, pero un depresion. Dos siman pasa Fraccion di PPA a cuminsa alerta caba riba e situacion critico aki, y esaki a wordo enfatisa mas ainda pa medio di e carta dirigi pa gobierno. Den esaki ta pidi pa un vragenuur pa contesta e serie di preguntanan realisa den e carta pa asina segura cu no lo warda e ola, e Tsunami, cay riba nos pa e ora actua. Kier segura cu gobierno tin atencion pa cu e situacion critico aki manera cu Fraccion di PPA tine y asina cuminsa actua. Un opcion presenta pa Oduber ta e importacion di productonan for di e region mes. Tur partido a papia di busca comestibles, productonan for di region, manera por ehempel, Colombia caminda hopi di nos ciudadanonan ta biaha, pakico no importa for di e pais aki cu lo significa prijsnan di 25, 30 y hasta 35% mas barata pa productonan manera galiña, carni y otronan. Loke gobierno mester haci ta, ni sikiera pasa un ley, sino un decreto y asina muestra e curashi y dicide cu como gobierno ta habri e mercado. Oduber ta bisa cu tin diferente compania interesa pa cuminsa importa for di Colombia y hasta di Costa Rica. “Nos mester habri mercado pa reduci e gasto di consumo di nos hendenan aki na Aruba. E efecto di guera di tarifa cu tin na e momentonan ta cu prijsnan ta bay subi y ta bay subi drasticamente”.


Clasificados







SOLODIPUEBLO@GMAIL.COM
CEL. 585 9500






Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 09, 2025

CATOLICHI Sorteo # 4589 1303 5283 2445 MULTI X X2 BIG 4 Sorteo # 4589 3098 MULTI X X2 OFF Sorteo # 2645 9494 ZODIAC Sorteo # 4589 5275 Sagitario LUCKY 3 Sorteo # 1463 471 MULTI X FP	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 280.000,-	LOTTO DIA Sorteo # 0 x Jackpot 0 x Match 4 0 x Afl. 8,00 Proximo Jackpot 51.000,-	MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 365.000,-	MEGA PLUS Afl. 550.000,-	
---	---	---	---	---	---



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - April 09, 2025

CATOLICHI Sorteo # 8517 9539 2386 3406 MULTI X FP BIG 4 Sorteo # 7561 8517 MULTI X X2 OFF Sorteo # 2266 6281 ZODIAC Sorteo # 6320 5662 Aries LUCKY 3 Sorteo # 1250 957 MULTI X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 280.000,-	LOTTO DIA Sorteo # 6794 0 x Jackpot 3 x Match 4 148 x Afl. 8,00 01-03-10-12-14 Proximo Jackpot 51.000,-	MINI MEGA Sorteo # 1756 0 x Jackpot 1 x match 4 5 x Afl. 500,00 71 x Afl. 50,00 93 x Afl. 15,00 Mega Ball 14 Proximo Jackpot 365.000,-	MEGA PLUS Afl. 550.000,-	
---	---	---	---	---	---

Departamento di Cultura:

Resultado di Competencia

“Arte di Palabra Aruba 2025”



Un ambiente vibrante y emocionante tabata reina diasabra anochi den e sala principal di Cas di Cultura, cu tabata yena di hoben, docente, famia y amistadnan. Tura bin pa duna apoyo na nos participantenan den e competencia literario Arte di Palabra Aruba 2025.

Arte di Palabra ta un evento literario cu ta nutri amor pa idioma Papiamento den manera creativo entre nos hubentud. E edicion 2025 tabata e di 16 aña consecutivo cu Aruba ta organiza e competencia. Durante e evento, un total di 22 hoben talentoso a subi riba e tarima pa expresa nan talento.

Un total di 26 obra a wordo presenta den sea poesia, storia y RAP, tanto den forma original como den forma existente. E energia, pasion y amor pa Papiamento tabatin presente den cada palabra pronuncia riba e podium. Nos ta sumamente orguyoso di por presenta e ganadonan, cu lo representa Aruba den e 20 edicion di Arte di Palabra

ABC, cu ta tuma lugar na fin di mei 2025 na Bonaire: **G A N A D O N A N COMPETENCIA ARTE DI PALABRA 2025**

• **Categoría A: Poesia Existente Klas 1-2**
Prome luga:
Number: Caylee Fraser
Scol: Colegio Nigel Matthew

Titulo di obra: Pakico
• **Categoría B: Poesia Original Klas 1-2**

Prome luga:
Number: Alía Hernandez
Scol: Mon Plaisir College
Titulo di obra: Tras di pantaya tin poder
Segundo luga:
Number: Samantha Stephania Romero
Scol: Edu Campus
Titulo di obra: Lo mi lubida bo

Tercer luga:
Number: Luisa Pinillos Muñoz
Scol: Juliana School
Titulo di obra: Poema di Amor

• **Categoría E: Cuenta Original Klas 1-2**
Prome Luga:
Number: G-Xlaine Vrolijk
Scol: Abraham de Veer
Titulo di obra: Nenny
• **Categoría C: Poesia Original Klas 3-6**

Prome luga:
Number: Phillip-Johnson Martinus Arion
Scol: Ceque College
Titulo di obra: Ta kico falta mi so
Segundo Luga:
Number: Loubens Ocean
Scol: Abraham de Veer
Titulo di obra: Hoben Inmigrante
Tercer Luga:
Number: Marie-Jane Vriend

Scol: Mon Plaisir College
Titulo di Obra: Incompleto
• **Categoría F: Cuenta Original Klas 3-6**
Prome Luga:
Number: Eliziën Antersyn
Scol: Colegio EPI
Titulo di obra: E Faro bieu
Segundo luga:
Number: Eden Antersyn
Scol: Abraham de Veer
Titulo di Obra: E avion mal paga

Tercer Luga:
Number: Qryna Alleyne
Scol: Colegio Arubano
Titulo di obra: E Cambio

• **Categoría G: Rap**
Prome Luga:
Number: Isdell Hyacinme
Scol: Colegio EPI
Titulo di obra: Nos Muchanan
Segundo Luga:
Number: Ben Abdon
Scol: Abraham de Veer
Titulo di obra: Un baile cu diabel

Tercer Luga:
Number: Lens Julien
Scol: Maria College MAVO
Titulo di obra: Black

• **Ganador Absoluto**
Number: Phillip-Johnson Martinus Arion
Scol: Ceque College
Titulo di obra: Ta kico falta mi so

Nos kier gradici di curason tur participante



pa nan entrega y balentia, y tur docente, mentor y famia pa nan guia y sosten continuo. Masha danki, tambe pa e comision organizado di Arte di Palabra Aruba, forma pa Departamento di Cultura Aruba (DCA) cu sosten di Fundacion Corector di Papiamento (FCP), pa nan contribucion pa promociona nos idioma y cultura.

Nos ta invita pueblo Arubano pa sigui apoya nos hubentud den nan desaroyo creativo y linguistico. Arte di Palabra ta hopi mas cu un competencia, e ta un plataforma pa lanta bos, pa conta historia, y pa uni nos pueblo den amor pa Papiamento.



Accidente hit & run diamars madruga na Wilhelminastraat



Diamars madruga a drenta informe di un accidente na parada di bus na Doña Clara, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run unda un chauffeur a purba hala kita pa un otro auto pero toch a dal esaki y a sigui core bay. Polis a haya tur informacion di e otro auto for di e testigo cu a mira tur cos y a pasa esaki na polis. Afortunadamente ningun hende a resulta herida.

ACCIDENTE PA FALTA DI PREFERENCIA NA CRUSADA PROF. LORENTZSTRAAT CU DRIEMASTERSTRAAT



Diamars mainta a drenta informe di un accidente pariba di e rotonde Tarabana na Caya G.F. "Betico" Croes, mesora a dirigi un patruya na e sitio. Na yegada di e patruya a bin compronde cu un chauffeur yegando e

rotonde for di Cumana a bay para pa un peaton crusa e caminda pero e chauffeur su tras no a ripara esaki y a bay dal tras di e auto cu a para pa e peaton. Afortunadamente ningun hende a resulta herida.

IN MEMORIAM Dennis Vakkers

Op 15 juli 2006 kwam Dennis Vakkers in vaste dienst op de CSA van het HOH. Vanaf het begin was Dennis een rustige, betrouwbare collega die altijd klaarstond en makkelijk contact maakte. Hij werd al snel niet alleen een fijne collega, maar ook een vriend.

Dennis had een aanstekelijke lach en een positieve energie die de sfeer op de werkvloer zichtbaar verbeterde. Zijn aanwezigheid gaf collega's zin in de dag. Hij hield van zijn motoren, maar bovenal van zijn grote liefde: Claudia van Kessel.

Dennis wist mensen te inspireren en mede door hem besloten drie waarnemers om van Aruba hun vaste thuis en werkplek te maken. We gaan Dennis ontzettend missen. Hij werd slechts 56 jaar.

Onze gedachten zijn bij Claudia,
zijn familie, vrienden en collega's.



Goede reis Dennis, we dragen je mee in ons hart.

HOP, SHOP AND DRIVE! ARUBA BANK TA INVITA BO NA E YRAUSQUIN EASTER CAR SALES EVENT



Oranjestad – 09 di april 2025 – Aruba Bank lo ta presente na e Yrausquin Easter Car Sales Event. E evento aki lo tuma lugar diasabra, 12 di April 2025, di 9 di mainta te 2 di atardi.

Pasa cerca nos representantenan pa yuda bo scoge e auto cu ta combina mihor cu bo

presupuesto y estilo di bida. E evento aki ta un oportunidad unico pa wak modelonan nobo y haya ofertanan special solamente disponibel durante e evento.

Aruba Bank ta ofrece:

- Compra awor y paga aki 3 luna
- Aprobacion den 24 ora –

Rapido y facil

Loke e cliente mester presenta cu ne ta un ID valido, dos ultimo payslip, carta di trabao y carta di ermis si esaki ta aplicabel. No perde e chens! Pasa un tempo agradabel, cumpra bo auto nobo, y laga Aruba Bank guia bo na un compra inteligente y sin preocupacion.

Clasificados





SOLODIPUEBLO@GMAIL.COM

CEL. 585 9500



BRIVANDO FUERTE • TRECENDO CLARIDAD

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

FORTALEZA PA FAMIA

Scirbi Pa Pastor Marcel Balootje.

UN FAMIA BALANSA: MAYOR BALORA BO YIU, YIU BALORA BO MAYOR

Yuinan ta un herencia di Senjor,(Salmo 127:3) esey tur mayor mester sa, pasobra ta Dios ta forma yiu den barica di un mama.

Pasobra despues cu e tata deposita e simia, e no por haci nada mas, y tur cos ta keda den man di Dios.

Esey ta mustra e secreto di creacion cu Dios a deposita den un homber y un muher y asina pa medio di homber y muher mundo su poblacion aumenta.

KICO TA NIFICA BALORA BO YIU?

For di chiki, dune bon cuminda, mantene un bon higiena, y den tur cos wak pa e crece bon.

Asina e cuminsa bira grandi, guia e mucha den caminda di Senjor, coregi y disciplina bo yiu.

Tur clase di malcriansa ta trece decepcion, tanto pa abo como mayor y tambe pa e yiu.

No laga cos bay for di man pasobra ta depende di abo como mayor con e karakter di bo yiu lo ta.

Wak pa e mucha ta bon y decente bisti na tur momento, tanto mucha homber , como mucha muher.

Sinja bo yiu papia berdad tur momento, sinja bo yiu respeta su mes y tambe respeta otronan.

Sinja bo yiu cu un bon colonia no por tapa un

mal karakter, pasobra arogancia ta pone cara di hende na berguensa.

Wak bo yiu su vocabulario, y asina bo tende algo cu no ta zona bon, coregi e mucha su forma di papia. inmediatamente.

Yuda e mucha den escogencia di amistad, pasobra tempo ta malo y nos yuinan mester di guia, pasobra esun cu ta anda cu hende sabi lo ta sabi,pero esun cu ta anda cu hende bobo, lo sufri e consecuencia.

Haci tur locual ta posibel pa bo yiu ta un sigidor di Cristo Hesus y un bon ciudadano , integro y respetuoso.

Corda bon cu tur mayor mester respeta nan yiu, y asina ta un bon testimonio pa nan yiu.

KICO TA NIFICA BALORA BO MAYOR?

Honra bo tata y bo mama. (Efesionan 6:1-4).

Respeta bo mayornan, y no halsa bos cu bo mayornan.

Ora bo bira grandi y bo ta trahando, bo deber ta pa contribui den e canasta di cuminda y utilidad na cas, (Tur esaki ta educacion pa ora bo tin bo propio hogar).

Ta dificil pa un yiu ta traha tur dia y no ta duna nada na cas, pero ta biba den e cas, no ta contribui financieramente cu nada.



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

